



Radunonza da vischnaunca

La proxima radunonza da vischnaunca ha liug gievgia, ils 15 da zercladur 2023 allas 20.00 uras a Cumpadials.

Gliesta da tractandas

1. Avertura e beinvegni
2. Elecziun da 2 dumbravuschs
3. Protocol dalla davosa radunonza communal dils 15-12-2022
4. Rendaquen 2022
5. Rapport dils revisurs ed approvaziun dil quen annual 2022
6. Tractaziun ed approvaziun dil project da lavineras per igl uaul da Puzastg e concessiun dil credit brut da 650'000 francs
7. Orientaziuns
8. Varia

Sumvitg, 19-05-2023

Suprastonza communal

Dumbraziun dallas habitaziuns vitas pils 01-06-2023

Igl uffeci federal da statistica meina puspei atras pils 01-06-2023 ina dumbraziun dallas habitaziuns vitas. Possessurs da casas ni administraziuns d'immobillas, che han pils 01-06-2023 habitaziuns ni casas d'ina famiglia vitas ein obligai da comunicar quei per telefon (081 920 25 00) ni a scret (info@sumvitg.ch) alla canzlia communal entochen sil pli tard ils 05-06-2023. Sco habitaziuns vitas el senn da quella dumbraziun vegnan tut las habitaziuns mobiliadas ni buca mobiliadas quintadas, las qualas adempleschan las suandontas duas cundiziuns:

- habitaziuns ni casas d'ina famiglia ch'ein il di da controlla (01-06-2023) vitas denton habitablas e
- ch'ein il di da controlla (01-06-2023) screttas ora per schar a tscheins permanent per minimal treis meins ni venalas.

Sumvitg, 19-05-2023

Administraziun communal

Uras d'avertura administraziun communal

L'administraziun communal resta serrada sur Anceinza sco suonda:

- naven da mesjamna, ils 17-05-2023, allas 17.00 uras, entochen gliendisdis, ils 22-05-2023 allas 08.00 uras

Nus engraziein per la buna collaboraziun e giavischein bials dis.

Sumvitg, 19-05-2023

Administraziun communal

Temps da vacanzas - examinaziun dils documents da viadi

En paucas jamnas entscheiva il temps da vacanzas. Persunas che visetan tiaras digl exteriur ein supplicadas d'examinar a dretg temps lur documents da viadi. Per l'emissiun dils documents sto vegnir quintau cun entochen 15 dis da spetga. Perquei supplichein nus da preparar las vacanzas a dretg temps.

Sumvitg, 19-05-2023

Administraziun communal

Serrada via Crap Ner

Muort in tagl da lenna ei la via da Crap Ner serrada naven dil caraun da Salvaplauna Su. La via resta serrada naven da mesjamna, ils 15-05-2023 entochen prevendentamein l'entschatta zercladur. Era las fin d'jamnas resta la via serrada.

Nus engraziein per Vossa capientscha.

Ulteriuras informaziuns survegnis Vus directamein da nies selvicultur Beat Cadruvi (tel. 079 638 18 19).

Sumvitg, 19-05-2023

Uffeci forestal

Lavurs vid Via Laus (Caplazi tochen sbuccada Via Puzzastg)

Muort la sanaziun dalla Via Laus naven da Caplazi entochen la sbuccada dalla Via Puzzastg resta la via serrada entochen ils 28-07-2023. Per ils automobilists vegn mess a disposiziun durant il temps da construcziun in parcadi a Laus. Per saver carrar sill'alp Laus per motivs dall'agricultura ni specials astga durant il temps da construcziun vegnir fatg diever dalla Via Puzzastg. Per damondas stat Alexander Deplazes dil biro d'inschignier Deplazes (tel. 081 943 25 60) a disposiziun.

Sumvitg, 19-05-2023

Departament traffic

Gruppa da teater Sumvitg

Invitaziun alla radunonza generala gievgia, ils 25 da matg 2023, allas 20.00 ell'Ustria Cruna Sumvitg.

Tractandas:

1. Beinvegni
2. Appel
3. Elecziun da 2 dumbravuschs
4. Protocol dalla davosa radunonza generala
5. Rapport dil president
6. Rendaquen
7. Elecziuns
8. Program da lavur
9. Orientaziuns
10. Varia

Commembras ni commembers nov(a)s ein cordialmein beinvegni alla radunonza. Eventualas perstgisas pren il president Flurin Candinas encunter (079 778 68 99).

Radunonza generala dall'Uniun Lag Salischinas

Ei legra la suprastonza dall'Uniun Lag Salischinas d'envidar alla radunonza generala 2023. La radunonza ha liug **venderdis, ils 2 da zercladur 2023 allas 20.00 uras** ella halla da gimnastica a Sumvitg.

Suenter radunonza han liug duas presentaziuns cuortas dalla sviluppadra regiunala dalla Surselva Céline Meury e dil president dall'Uniun la pendentia Christian Loretz. Céline Meury informescha sur da sia lavur sco sviluppadra e sur da San Gottardo e Christian Loretz presenta il project dalla punt pendentia planisada naven da Mustér a Mumpé Medel.

Tractandas

1. Avertura e beinvegni
2. Elecziun da dumbravuschs
3. Approbaziun dil protocol dalla radunonza generala 2022
(*Protocol ei publicaus sin la pagina d'internet www.lagsalischinas.ch*)
4. Rapport digl onn
5. Orientaziuns dalla Cumissiun Salischinas
6. Quen annual
7. Rapport dils revisurs
8. Discarga dalla suprastonza
9. Elecziuns
 - a. president
 - b. suprastonza
 - c. revisurs
10. Contribuziuns da commembradi
11. Varia

Nus sperein sin stedia participaziun e salidein cordialmein.

La suprastonza dall'Uniun Lag Salischinas

Uniun Archiv cultural Sumvitg - excursiun culturala a Val S. Pieder

L'uniun Archiv cultural Sumvitg envida commembras e commembers e tut tgi che ha interess ad in'excursiun culturala a Val S. Pieder. Nus gudin ina guida el vitg da Val ed emprendin d'enconuscher historia, cultura e bia auter dils Gualsers.

Datum: sonda, ils 27 da matg 2023
Partenza: allas 12.50 naven dil plaz scola a Sumvitg cun autos privats
Retuorn: ca. allas 18.00
Annunzias: tochen sil pli tard venderdis, ils 26 da matg 2023
a Walter Deplazes (081 943 25 60, info@deplazes.ch)

Suenter l'excursiun vegn purschiu in pign refrestg.

Tut ils cuosts surpren l'Uniun Archiv cultural Sumvitg.

La medema excursiun vegn sco usitau era organisada per nos amitgs dil Forum cultural Tujetsch.

Cordialmein envida *l'Uniun Archiv cultural Sumvitg*

Pleiv Sumvitg

Invitaziun alla radunonza da pleiv gievgia, ils 25 da matg 2023, allas 20.00, ell'aula dalla casa da scola a Sumvitg.

Tractandas

1. Beinvegni
2. Elecziun da 2 dumbravuschs
3. Approbaziun dil protocol dalla radunonza da pleiv dils 31-05-2022
4. Rapport dil president
5. Rapport dalla menadra dil cussegl pastoral
6. Presentaziun dil quen annual 2022
7. Rapport dils revisurs ed approbaziun dil quen annual 2022
8. Presentaziun ed approbaziun dil preventiv 2023
9. Fixaziun dil pei da taglia per 2024
10. Elecziuns
 - a. suprastonza (president, vicepresidente/actuar ed administratur)
 - b. cumissiun da gestiun
 - c. commembers dil cussegl pastoral
11. Tractaziun ed approbaziun dil project nova cuschina e diversas lavurs da renovaziun casa pervenda Sumvitg e concessiun dil credit da frs. 130'000.
12. Orientaziuns
13. Varia

Il quen annual 2022, il preventiv dil quen current e dil quen d'investiziun 2023 ed il protocol dalla radunonza generala 2022 tenor tractanda 3 vegnan publicai silla pagina dalla pleiv www.pleivsumvitg.ch. Tals che giavischan il cudischet cul rapport da gestiun 2022 astgan bugen s'annunziar tier l'administratura Giuliana Gienal (081 943 11 12 ni 079 569 21 70). Tut tgi che vul prender part dalla radunonza da pleiv e sa buca far quei muort munconza da vehichel sa annunziar quei all'administratura dalla pleiv che vegn ad organisar ils transports necessaris.

Cordial invit

Suprastonza pleiv Sumvitg

Uniun da dunnas Rabius

Referat sur dad jarvas curativas indigenas Da Simona Hendry Berther / naturopata e droghista.

Gievgia, ils 25 da matg 2023 allas 19.30 en l'aula dalla casa da scola Rabius. Il referat cuosta. Dapli sclariment ed annunzias bugen tier Sonja Flepp: Tel. 079 475 91 89 / mail: mflepp@gmx.ch

Cordiala invitaziun a persunas interessadas

L'uniun da dunnas Rabius

Nies Surrein

Radunonza annuala 2023 venderdis, ils 26-5-2023 allas 20.00 en casa da scola a Surrein.

Suenter las tractandas prendein in sitg e stein da cumpignia. Novs commembers ein cordialmein beinvegni. Sannunziar per plascher sin e-mail surrein@gmx.ch. Per damondas 078 220 38 28. *La suprastonza*

Biblioteca Trun

La Biblioteca Trun envida **mesjamna, ils 24 da matg 2023, allas 19.30** alla presentaziun dil cudisch da dr. Martin Tomaschett «Von der Säftelehre zur modernen Medizin 1850-2020». En siu cudisch sefatschenta dr. med. Martin Tomaschett dil svilup dalla medischina campestra naven dalla mesadad dil 19avel tschentaner entochen oz. Bia dil cudisch lai surstar, auter fa era surrir. *Il team dalla biblioteca*

Cuminonza Pro s. Benedetg, Clavadi e contuorn

Invitaziun al di da lavur 2023

Sonda, ils 27 da matg 2023 allas 9.30 – 13.00

Suenter: gientar sco usitau el restauant Miraval.

Sentupada allas 9.15: per S. Benedtg o plaun da crusch ed per Clavadi avon la resgia.

Uaffens: sco avon maun.

Uaffens preferi: ristials, forschs per caglias, palas ni zapuns. Uaffens per lavurs pli spezialas metta la PS en disposiziun. Sigerada e vons ei caussa da mintgin sez. Nus selegrein da buna partzipaziun e salidein *La suprastonza*